

## Enver Buza osuđen na 12 godina zatvora za zločin u Uzdolu kod Prozora



Sud Bosne i Hercegovine osudio je Envera Buzu, bivšeg vršioca dužnosti komandanta Samostalnog bataljona Prozor Armije BiH, na 12 godina zatvora za zločin počinjen u spetembru 1993. godine u Uzdolu kod Prozora.

Buza je presudom proglašen krivim što je za vrijeme rata u BiH postupao suprotno pravilima međunarodnog humanitarnog prava o zaštiti civila.

Vijeće je utvrdilo da je Buza, kao vršilac dužnosti komandanta Samostalnog bataljona Prozor Armije BiH, imao stvarnu i efektivnu kontrolu nad jedinicom koja je 14. septembra 1993. godine u ranim jutarnjim satima izvršila napad na selo Uzdol gdje je na okrutan i svirep način ubijeno 27 civila hrvatske nacionalnosti, među kojima je najmlađa žrtva imala deset godina.

– Utvrđeno je da su u napad izvršile jedinice Samostalnog bataljona pod konotrolom Buze, kao i dio pripadnika policije, koji su također bili pod kontrolom optuženog... Jedini zaključak Vijeća jeste da su stradali žrtve bili civili koji nisu učestvovali u borbenim dejstvima”, kazala je predsjedavajuća sutkinja Željka Marenić, javio je BIRN BiH.

Buza je presudom oslobođen obaveze plaćanja troškova postupka, a porodice žrtava su upućeni na parnicu.

Na ovu presudu postoji mogućnost žalbe. (Fena, foto: BIRN)

Date: 30-09-2019